

修志姓氏

前代俱無可考

原志

初修於康熙十一年重刊於十九年再修於乾隆九年

前行唐縣知縣何琛

前行唐縣知縣王鶴

前行唐縣知縣張振義

纂修 乾隆二十八年刊

行唐知縣樵李吳高增

參閱

儒學教諭長垣李文敷

儒學訓導天津趙伯遜

校勘

揀選舉人

劉鰲

趙相

選拔貢生

王景績

歲貢生周允滋

廩膳生員

劉羽

張其策

校錄

行唐縣新志

凡例

一從來修志主沿襲者多因陋就簡喜更張者多師心自用茲則因創增刪不以成見爲去取雖未必盡允要非任臆爲之也卷首各綴數言不敢擬諸史論庶幾約舉其義以便觀覽云爾

一恩紹舊志所無然

聖朝恩綸疊播率土均沾邑邇畿輔

凡例

卷之八
一
鑿輿泣止大澤覃敷尤爲優渥謹撰 恩紀以補其闕

一志書圖經自來止載縣治學宮官廨山川之體勢余
特附教民三圖廣前明邑宰胡君之意爲吾民鐫于
申之

一分疆守土地理宜詳行邑地屬冀州秦置郡縣爲南
行唐雖代有沿革河山猶是因悉仍之惟阜平舊隸
行唐前志有刪汰未盡者削之山川古蹟附以詩歌
誌登覽之意觀者便覽

一前明設官有丞簿後裁去因地僻事簡無俟佐貳分
任也惟袤延八十餘里西北多山兩嶺口設巡檢一
員稽查彈壓前明居此任者已無可考其正雜教職
營弁各官自前修志後逐一查載

一自來邑志無惠政茲創爲之蓋惠民之政莫備於我
朝休養生息涵煦百年斯民之幸亦守土者承流宣化之
職也

一則壤成賦惟正之供沙磧山岡近年無報墾陞科其

額數照新頒賦役全書訂正惟編審丁口雖不加賦
滋生之盛遞年續增士貢名色久經裁免志仍其目
俾有考也引鹽補入新增分認二條昭定制也

一建置止仍舊志若城池公署學宮壇廟雖隨時修葺
亦必記載惟龍神廟則甫經移建其建倉已列入惠
政止以監獄附後

一典禮舊志略而不備鄉飲爲政教之本而不詳其儀

賓興爲籲俊之始讀法本臣思之意而并缺其目今

悉補之

循良列傳古史艷稱官此土治此民俎豆不祧遺澤
長存也明以前名宦可考者僅存一二自後循聲克
著代不乏人凡有關國計民生者事無鉅細悉書之
爲後事之師

一凡民良莠不齊顧十室之邑必有忠信邑之人物自
才德忠孝以及閨幃礪節之媛俱流芳簡策若舊志
載許由已祀鄉賢又入僑寓未免牴牾王羲之游學

行唐亦無所考據故僑寓從刪

一鄉舉里選古法也

國朝準近代制以科目取士故自入學明經以至發解登第備載以徵人文之盛衰若薦辟猶存古制而名實難副膺此選者蓋寡雜職與科目殊途然同此宣力効忠之意例得並登

一俗尚舊志略而未備茲爲舉其大綱詳其流失而瑕不掩瑜以當太史之陳歲時各繫以詩猶山川古蹟

之體例也舊列土產但標識其名而於物土之宜期
未之及今特一一詳之耕穫有時種類有辨爲巡野
觀稼之一助

舊志藝文有事蹟可採文不足錄者節入名宦人物
諸卷題目正大有關政教者存之間爲節其繁蕪其
無所裨益者刪之拙作附載於後亦此意也義學規
條詩文四則詞繁不殺以士習文風俱不古若冀以
學文修行並附告示取其關於民生風俗之大者亦

因地立教也

一志有事紀備載往事以資考鏡遙遙數千年舊志所載數條而已今考前史增入並臚

昭代之制舊無災祥類附見事紀中亦爲補其闕略例仍其舊

一邑志初修於何君琛再修於王君鶴其書已無從購閱乾隆八年張君振義重修標姓氏於簡端前人之功不可泯也

敬齋吳高曾識

行唐縣新志卷之一

目錄

恩紀

行唐縣新志卷之一

恩紀

論曰至治之世年飢有發粟之條歲儉省公旬之
役養更老以崇年升選俊以造士五載時巡六服
承德豫游休助浹髓淪肌典至鉅澤至渥也仰惟
聖朝勤恤民隱不遺遐遠薄賦輕徭養老勸士

湛恩汪濊洋溢垓埏不徧窺望而視已明不殫傾耳而
聽已聰矣猶復

黃屋時巡

恩膏叠沛我

聖祖仁皇帝肇顯謨於前

皇上纘貽謀於後繼繼承承懿燦隆茂凡在臣民孰不
進堯封之祝効禹甸之諺哉乃考舊志紀載闕如
其何以奉揚

仁風而盡承流宣化之職歟爰核畿輔志郡志及鄰邑

志謹書而備錄之以補闕略辛未之春

鑾輿泣止

臣高增

備員下邑躬逢

盛典茆簷蔀屋遍沐

恩施爰歌迎

鑾於旬服摛贈言於同官庶幾宣

上德意以與民共樂而藉是一抒葵藿之微忱也作

恩紀

